



ՆԵՐՔԻՆ ԹԵՄԵՐԻ ԽՈՐՀՐԴԱԿՑԱԿԱՆ ԺՈՂՈՎ ՄԱՅՐ ԱԹՈՌՈՒՄ

Փետրվարի 15—17 օրերին Մայր Աթոռում տեղի ունեցավ ներքին թեմերի խորհրդակցական հանդիպում, որին մասնակցում էին.

1. **Մայր Աթոռից՝** Մայր տաճարի լուսարարապետ տ. Հակագուն արքեպ. Աբրահամյանը, Մուշեղ վրդ. Պետիկյանը, Գերագույն հոգևոր խորհրդի անդամ Հովհ. Թովուզյանը, Վերստուգիչ հանձնաժողովի անդամներ Եփրեմ Ալեքսանյանը, Գր. Գյուլյանը, Մայր Աթոռի ֆինանսական բաժնի վարիչ Գառնիկ Քեհյայանը, տնտեսական բաժնի վարիչ Անդրանիկ Ութուջյանը, Մայր Աթոռի դիվանապետ Հայկ Առաքելյանը, «Էջմիածին» ամսագրի խմբագիր Ա. Հատիտյանը և միջեկեղեցական հարաբերությունների բաժնի վարիչ Պ. Ծախբազյանը:


2. **Արարատյան թեմից՝** առաջնորդական փոխանորդ տ. Վահան եպս. Տերյանը, թեմական ու եկեղեցական խորհուրդների անդամներ՝ Վարդան Սամվելյանը (ս. Սարգիս եկեղեցի), Գևորգ Համալյանը (ս. Հովհաննես եկեղեցի), Խաչիկ Կուզուբաշյանը (ս. Զորավար եկեղեցի), Պանդուխտ Մանուկյանը՝ գլխավոր հաշվապահ:

3. **Եփրակի թեմից՝** թեմակալ առաջնորդ տ. Մաշտոց եպս. Թաջիրյանը, Հովհաննես Ալեքսանյանը (Լենինական), Նազարեթ Սեֆեյանը (Կիրովական) և հաշվապահ Մովսես Անթափյանը (Լենինական):

4. **Վրահայոց թեմից՝** թեմակալ առաջնորդ տ. Կոմիտաս եպս. Տեր-Ստեփանյանը, թեմական և եկեղեցական խորհուրդների անդամները՝ Սուրեն Ավչյանը, Սամվել Իսախանյանը, Խաչիկ Հեքեքյանը և հաշվապահ Գևորգ Դուրգարյանը:

5. **Ադրբեջանի թեմից՝** թեմակալ առաջնորդ տ. Հուսիկ եպս. Սանթուրյանը, թեմական և եկեղեցական խորհուրդների անդամները՝ Հրանդ Պետրոսյանը (Բաքու), Արշակ Պետրոսյանը (Կիրովաբադ) և հաշվապահ Նիկոլա Աթաջանյանը:

6. **Ռուսաստանի և Հյուսիսային Կովկասի թեմից՝** տ. Գրիգոր քհն. Տերտերյանը (Զալուր գյուղի հոգևոր հովիվ), Պալծատ Թորոսյանը (Արմավիր), Գևորգ Գևորգյանը (Մոսկվա), Հ. Փիլիպպոսյանը (Օրշոնիկիձե) և հաշվապահ Լ. Վարդանյանը (Օրշոնիկիձե):



Ներքին թեմայի խորհրդակցական ժողովի անդամներ

7. Գեղարդի վանահայրությունից՝ վանահայր տ. Նարեկ վրդ. Ծաքարյանը, տնտեսվար Արա Բաստրմաջյանը:

Փետրվարի 15-ին, երկուշաբթի օրը, առավոտյան ժամը 9-ին, վերոհիշյալ բոլոր պատգամավորները ժամանում են Մայր Աթոռ և, իջման ս. սեղանի առաջ իրենց ուխտն ու աղոթքը կատարելուց հետո, ժամը 13-ին, թեմակալ արքայաների առաջնորդությամբ, թեմ առ թեմ ներկայանում Վեհափառ Հայրապետին՝ Նրա ս. Աջը համբուրելու և օրհնությունը ստանալու:

Ժամը 13.30-ին դիվանատանը տեղի է ունենում ներքին թեմերի խորհրդակցական ժողովը:

Երեկոյան թեմակալ առաջնորդներն ու պատգամավորները Մայր տաճարում ներկա են լինում ս. Ղևոնդյանց քահանաների Նախատոնակին և ժամը 20-ին Վեհաքանոնում դիտում են 1969 թվականի մեռնօրհնության, ինչպես նաև՝ Վեհափառ Հայրապետի Հոռմ ալցելության ֆիլմերը:

Փետրվարի 16-ին, երեքշաբթի օրը, առավոտյան, բոլոր պատգամավորները Մայր տաճարում ներկա են լինում պատարագի՝ ս. Ղևոնդյանց քահանայից տոնի առիթով:

Այնուհետև, ժամը 11-ին, շարունակվում է թեմերի խորհրդակցական ժողովը:

Երեկոյան ժամը 19-ին պատգամավորները Երևանում, Սուրբ Երեմիայի անվան ակադեմիական թատրոնում, դիտում են «Ֆիլոմենա Մարտիրոսն» պիեսի բեմադրությունը:

Փետրվարի 17-ին, չորեքշաբթի օրը, առավոտյան ժամը 12-ին, Վեհափառ Հայրապետը բարեհաճում է ընդունել Վեհաքանոնում բոլոր հոգևորական և աշխարհական պատգամավորներին:

Լուսարարապետ տ. Հայկազուն արքեպիսկոպոսը Վեհափառ Հայրապետին է ներկայացնում թեմակալ առաջնորդներին և թեմական ներկայացուցիչներին՝ հայցելով Նորին Սրբության օրհնությունը:

Վեհափառ Հայրապետը ողջունում է թեմակալ առաջնորդներին և պատգամավորներին, բարի գալուստ է մաղթում և ներկա-

յացնում Մայր Աթոռի ապագայի գործունեության ծրագիրը՝ շեշտելով անհրաժեշտությունը ներքին եկեղեցական կյանքի էլ ակեղի կազմակերպումի, մեր եկեղեցիների բարեգարթումի:

Վեհափառ Հայրապետը Իր ծրագրային ճանի մեջ կանգ է առնում նաև սխյուրքի մեր ազգային-եկեղեցական կյանքի հետ կապված մի շարք կարևոր հարցերի վրա:

Ժամը 15-ին Վեհաքանոնում պատգամավորների պատվին տրվում է ճաշկերույթ, որին ներկա են լինում նաև Գերագույն հոգևոր խորհրդի, Վերստուգիչ հանձնաժողովի անդամները, Մայր Աթոռի միաբանությունը, դիվանապետը, «Էջմիածին» ամսագրի խմբագիրը, միջեկեղեցական հարաբերությունների բաժնի վարիչը, ֆինանսական և տնտեսական բաժնի վարիչները՝ շուրջ 40 հոգի:

Սեղանը օրհնում է Վեհափառ Հայրապետը:

Ընդունելության ժամանակ տ. Հայկազուն արքեպիսկոպոսը առաջին բաժակը առաջարկում է խմել Վեհափառ Հայրապետի կենաց, որի անվանակոչության տոնն է հաջորդ օրը, հինգշաբթի, Վարդանանց տոնին:

Զերմ շնորհավորական ու հայրենասիրական ելույթներ են ունենում տ. Կոմիտաս, տ. Հուսիկ, տ. Վահան եպիսկոպոսները, Գերագույն հոգևոր խորհրդի անդամ Օննիկ Թոփուզյանը, Նարեկ վարդապետը, թեմական անդամներ Սամվել Վարդանյանը (Երևան), Նիկոլա Աթաջանյանը (Բաքու), Սուրեն Ավչյանը (Թբիլիսի), տ. Գրիգոր քհն. Տերտերյանը (Չալտր-Հյուսիսային Կովկաս) և ապա «Էջմիածին» ամսագրի խմբագիր Ա. Հատիսյանը:

Ժամը 17-ին բոլոր պատգամավորները աջահամբույրով հրաժեշտ են առնում Վեհափառ Հայրապետից և մեկնում իրենց թեմերը:

Այս առթիվ Վեհափառ Հայրապետը պատգամավորներին նվիրում է «Հայկական եկեղեցիներ» այբում՝ որպես վարձատրություն նրանց եկեղեցաշեն և հայրենամկեր գործունեության:

